

福惠全書

五

74
6473
5



門 74
號 6473
卷 5



通鑑全書卷之八

漕糧一項惟江浙西湖廣并山東河南等省有之而江

浙財賦首甲東南故漕糧居各省之半而為漕之害亦居

各省之半然其為害之端諸省陋規弊竇雖有不同至于

衙蠹倉胥恣意侵蝕奸棍包攬勢豪勾通旗甲需索留難

欺壓鄉賤則是處皆然也今幸官收官兌旗丁之虎惡少

衰而該管監收水次開兌其糧里亦不能脫然事外而優

是當作每

福惠全書 錢穀部

錢穀部

野村堅氏贈

游于鄉井也今姑以陋弊數端擇其宜禁絕者列之于左
輪糧便民

凡州縣糧倉多在城中然四鄉距城寫遠東南非北地平原周道可以車運驢駝東南州邑多在山陬僻壤險阻崎嶇計一人擔負僅能四斗若糧有十石須得二十五人而加耗飯米不與焉及至城中不能露處也又須歇寓不能即兌也又須守候其間收受保無倉胥之勒索乎往返動須數日農事未免荒廢僱之人計日算工是家有十石之糧必得過半之費民其何以堪乎計莫若距城近者

仍縣倉收貯距城遠者聽民于本鄉適中及通水之處就便建倉每值收糧之時管糧官預期傳檄刻日收受則鄉民輸將既易其費亦省矣

倉收陋弊

凡百姓上倉交糧正糧之外有加耗有茶果有倉書斗級紙張量斛看倉諸費及起運水次又派有水脚墊船神福等費此亦常情所不能免也至于城倉有種胥蠹市棍勾哄糧戶為其歇家始則加意款待一應上糧收票俱其代為料理糧戶可以安坐而畢事及其繼也以彼為可信倉

糧代買上納銀則折乾使費盡行包攬糧皆掛欠迨出票
差拿彼復托故潛匿而糧戶啞苦重賠甫及銷差而仍然
盤踞剝蝕不休此倉歇之爲害也又有倉胥積惡指稱米
色雜碎指勒不收或串同斗級踢斛淋尖指稱欠數停閣
倉收此倉蠹之爲害也甚至糧官不肖輕信奸書受賄不
事曬揚寬徇勢豪面情責償良懦種種陋弊不可枚舉計
惟各厥嚴點經收倉書務遴殷慎凡到倉上糧俱令糧戶
親納不許倉歇包攬仍嚴行拿究地方驅逐毋得容留倉
厥左近窺探生奸至于倉胥收糧驗明米色乾淨卽與平

斛收兌毋許借端留難恣意淋踢其糧官凡遇收糧每日
坐倉親加驗看揚曬乾淨封鎖嚴密收完之後看倉吏役
取各厥收過實數不致短少卅結存案庶納戶不致擾累
而糧儲可免侵漁矣○按開徵之時經收宜日日在厥倉
總須日日在倉多置榻箱斗斛以便速收如有堆頓厥外
印官到倉卽要查問是何緣故若經收不在或勒指使費
立拿究責其收糧簿照依收銀流水循環填寫送查在城
仍打日報存查比期酌糧多寡定限糧串亦依銀票用完
再發

福惠全書 卷之八 盛穀部

糧米派兌

凡運船到次雖云官兌而各廠所收原記某圖某里俱有糧長經手但糧長多係鄉民未免市城積棍出身代理其中奸弊遂因之而生其最可惡者一在串通胥役有糧數百石者分派各船受兌米既零星折耗不免分頭照應耳目難周一在串通旗甲將強有力者之糧賄買好幫次撥兌弁丁顧惜廉隅不致格外多事將懦無勢者之糧分撥壞幫次弁丁皆屬貧苦百般恣意需擾明要糧戶懼彼神通不得不爭為央託說合講錢無論糧之多寡人之貧富

俱難出其套中若印官有風力者總是闔縣糧米眼同運官親為掣版受兌不得任憑旗甲揀版及倉胥私撥零分如前積棍嚴拿重責枷示則花派買幫之害可除矣

米色刁難

凡弁丁水次領兌正米之外例有耗米又有耗外贈貼及負重厓駁等費其如橫甲刁軍因改官收官兌無處苛求糧里但至臨倉之時串通管兌經承倉蠹故嫌米色不堪勒令曬颺加貼以致押差保歇乘機講兌官贈之外另派私津及吃茶會話制斛洗澡種種名色恣意剝稍不遂

意動輒鼓噪以惡糧壓派挾制縣官以遲兌悞漕恐嚇愚
 里有司恐碍考成只得粧聾作啞任其魚肉近雖有監兌
 廳尊不過下倉點卯樣米呈驗安能代令襄勞自取煩擾
 以故小民一石之糧費用浮于正數其善為計者惟在糧
 戶上納印官不時親臨面驗米色委係乾圓潔淨方准交
 收稍或雜碎務須倍加颺扇不得徇情受賄倘有倉胥得
 錢濫收及倉蠹侵偷私攙糠粃抽屨盤驗重究枷革仍令
 賠補庶不致臨兌貽累經里而旗丁亦無費可乘矣

嚴勒開幫

凡值開兌將近印官先期出示將一應漕兌事宜照舊規
 預為料理齊備否則運船一到擁擠河干旗丁水手千百
 成羣騷擾喧譁殊非法紀印官宜諭地方探報隨到隨兌
 兌畢即取弁丁印甘結狀申報開行日期催償遠離口岸
 不得阻塞河路庶人少勢孤勿致恃眾橫行尅期受兌可
 免逗留滋擾矣

雜課部

總論

雜課亦有全書開載者但有額無額之分耳各處款項不

一徵收亦不一其中有解司解府者有增入地丁一例起
 運者大抵無額之項除起解外稍有羨餘為廉吏以佐公
 用但經承歲有常規大半為其侵蝕若加意釐清是亦泰
 山不讓土壤之道耳

顏料匠班

顏料藥林曆日榜紙狐皮牛角匠班等項載在全書歲有
 定額然各處有無不同但該承指稱解費盤脚科派頗重
 舊從地丁派徵者責在排里不得濫派舊從本色目人等
 派徵者責在經承毋許私索至由排里徵收者只宜附入

條編單內一同催比不必另差以省煩擾

當稅

當稅每鋪原例五兩甲寅軍興增倍每鋪十兩另批起解
 若本商自解僉名領批按限掣繳又有私押暗當未經納
 稅經承陰受其賂瞞官不報宜出示曉諭現在納稅者即
 為官當許鋪門懸牌將典名並商人姓名造冊送查存案
 如不納稅即為私當許諸色人等首告究實仍照漏稅律
 治罪如鄉曲貧民以農具器用押貸米穀糧食者不在此
 例

田房稅

田房稅契隱漏尤多若遇編審之年推收過戶間有以田契稅印者又州縣離任之時紳衿討情衙役乞恩以田房二契用白印者此陋弊處處皆然不可破也以大縣之田房交易何日無之日以百金計歲即數萬計稅銀當不下千金今州縣一年報稅竟爾寥寥其隱漏可勝言乎宜將本縣官牙若干名造花名存案凡有田房交易定由官牙書名畫押交易三日內官牙具單報縣每月有無交易官牙朔望當堂親遞甘結如扶同隱漏官牙拿究業主依律

科罪若鄉村鎮集着落地方里甲首報如違照城牙業主依律並究須先出示曉諭則人知畏法而報者必多矣

牛驢雜稅

牛驢牲畜烟包布花酒麪等稅交易之所收也例有牙行經紀評價發貨凡城鄉貿易之處置一卯簿發給該牙行經紀逐日逐起登簿收稅如不登簿即以漏稅查究然貿易多寡之不時陰晴之無定奸牙得以藉口隱匿十僅填其一二太嚴恐其多索貿易之人太寬徒飽奸猾之輩亦惟時出不意以稽察之使其不致甚欺則可耳每簿止定

數張朔望繳換內衙查記收報之數舊簿存衙不必發外

牙稅

乃當作即

牙稅乃市僧之身帖以一帖凡蔽數十人蓋無帖私幫有帖以為影射該房受其賂而不舉若此人不當招下手頂名執帖又與該房分享其利而不換新帖是一帖不惟蔽數十人而且可頂換數十人也惟暗查排門煙戶冊看其生理而摘發之是亦一策也

門攤稅

凡城市臨街舖面前隙地有支棚擺攤賣雜貨生理者晚

則收歸早則鋪設有司以為貿易取利宜輸官錢名之曰門攤稅然此皆窮民小本藉之為糊口計本舖既索地租而官又分其微獲將安忍乎邑如有此宜除之以示慈惠

漁課

湖蕩近水之地多有漁船收稅或橋埠漫壩以取魚為利亦得收稅是為漁課多寡按例可也

鹽課

州縣之有鹽課者乃商人認地行鹽領引辦課而有司以之為攷成者也然上課而後領引責在商人疏鹽而銷引

乃當作即

者當刪去

額責在有司。但近產鹽州縣民間利食私鹽以買官鹽可
 食私過倍以故官鹽往往不行商以虧本訴之經理院司
 遂嚴檄下屬以疏鹽銷引而副考成有司以引鹽壅滯不
 得不督之百姓買食官鹽而小民無知遂謂有司受商賄
 囑致騰怨謗此有司之所以兩難也計惟欲疏官鹽在嚴
 禁私販欲禁私販在嚴比巡役私販絕而百姓豈能淡食
 乎此不必督之買而官鹽自疏額引自銷又何考成之弗
 副哉。按銷引一事最要留心商人每年行過額引例須
 截角繳部方准奏銷然州縣每以為商人已事漫不經意

或商人將殘引已繳運司運司或事故陞遷未經繳部而
 司蠹勾通商棍以殘引並不截角反另更私戳以影行別
 地之鹽及至離院查提殘引杳無踪跡竟作十分未完州
 縣蒙冤刊職將誰訴耶故口銷引最宜留心者也法宜本
 年銷過引目令商送官逐張查驗不少具批起解運司或
 本商或差役按限掣批存案日後運司沉閣司蠹作奸我
 則有批為據其不繳部之愆自在運司州縣可免于查議
 矣又州縣地方有鹹水並鹹土皆可煎熬成鹽者不過窮
 民煎食久而煎者日多上司行查遂有報名收稅謂之士

鹽稅又有舊額鹽糧與秋糧折色一例徵銀謂之鹽銀其有無應徵之數俱查例行可也

蘆課

江南湖廣江西等省沿江海河湖州縣兩岸產蘆瀰漫延亘二千餘里謂之蘆洲其洲皆係官地非若田畝可用價而售故民納課收蘆謂之佃戶勝國時有藩勳賜地今悉併歸民佃然洲有坍有漲有隱占坍則應豁漲則應陞隱占則應報增于是清丈之議與其地有密蘆有稀蘆有泥灘有水影有草蕩密蘆則上地稀蘆則中地泥灘則水成

奸當作奸

洲水影則形將方漲草蕩則漲未生蘆于是輕重之課殊然而清丈所以利陞漲以補坍課額無虧而民不偏累舉隱占以增課國帑既裕而地畝亦明洵為良法不可少也然而清丈之所以害蠹胥牙長因緣為奸漲者未實陞而坍者仍然賠累隱占者未實報而公賦久被侵欺至于委官按部佃戶供應為煩公館舖陳下程茶果與夫跟隨酒食使費常規已屬不貲稍不如意則朦官別勘任其淹留守候虛糜金錢卽或履畝來查無論水蕩泥灘俱歸繩尺若是之為累其又不可已乎先是定例五年一清丈康熙

二十二年、安徽方伯龔公入覲、條陳、埭漲、俱屬臨邊、止將
 臨邊丈量幅裏免丈、以省煩擾、奉有命旨、及二十八年、
 制府傅公疏陳、委官丈量無益、止令本州縣印官照例據
 實清丈、亦奉命旨、是兩公前後敷陳、可謂造福于民者
 多矣。蘆課舊例、工部專差部員、設江寧、蘆政衙門、董理
 徵收、近則歸併各州縣、徵解藩司、其課歷年壓徵、十月前
 算刻、由單、由府詳司院、報部、至十月開徵、以蘆于冬時水
 涸、方可收穫也、按邇來京師寶泉寶源兩局、鼓鑄銅筋、有
 于江蘇藩庫、動用蘆課銀兩、若干採買之文、不謂州縣于

佃戶名下、照課派徵、是又課外徵課、數年以來、佃戶以此
 受累不淺、聞曾經屢控藩憲、近日始得邀恩、概與蠲除也。
 ○江海漲沙、亦有不徵蘆課者、隸鹽場則名沙場、竈戶佃
 種場官徵解、隸州縣則名沙田、人民佃種、州縣徵解、大約
 水影初漲、須俟草長、方可墾報、二年起科、查丈之時、不必
 直量至水、以其地多梭脊、且近水易坍、將來包賠累佃、而
 催呼亦未易也、大抵清丈洲場、與田不同、兩厓拍浪、驚濤
 崩頽、每輒數十百丈、較之泥沙淤漲、積漸而成、其遲速居
 何等也、與其用嚴、毋寧過寬、亦利人自利之道乎。

軍田

軍之有田自漢之屯戍始嗣是唐之府兵宋之營田明之衛所皆以卒伍墾種自給雖納有籽粒草束起科甚輕本朝因明之舊近始裁省衛所并歸州縣而糧亦照舊則徵收頗為稱便順治間以各省荒蕪甚多遂建興屯之議設興屯道主之募民耕種給之屯本或三分取一或均半分粒是又變軍屯為民屯矣未幾旋罷然軍屯以實邊備民屯以收地利皆富國強兵之要道也夫欲行之有利無害亦必法與人而兼善哉

新墾

夫新墾之地有官令民開報者有民自首者有墾荒邀敘者從前官令民報多憑里甲之口或妄開鄉戶強派新增或虛捏花名糧飛閩縣此蓋胥里承望風旨為本官加級優陞之徑不思一經入册千載難除是名場之幻骨已灰而舊游之怨聲長厲興言及此寧無悚然至于墾荒邀敘原為功名希圖捷獲有遠赴他鄉投墾有叠開數等連陞其地非買他人隱熟彼因獲利以逃欺即經本處開荒歷彼薄售而自認在目前不過頂名代納錢糧迨久之必成

棄壤致累包賠以斯弋仕詎曰可乎惟民之自首田爲世業糧屬應增三載陞科疇謂不宜夫朝廷之正賦義所當清而節屋之生謀尤爲堪念與其厚斂于國何如藏富于民况忍以百姓之脂膏爲博一身之榮顯乎故爲民父母者寧爲政拙之陽城弗效僞增之膠相天道昭明美報斯在所謂失之東隅未嘗不收之桑榆也

牧地

明南北設有岡鄉秦中河州西寧等處設有苑馬寺牧丁領馬課駒撥給地畝耕種籽粒以資糊口芻菽以供飼秣

其後馬政漸弛牧地爲羣頭里老作奸陰行侵占而牧丁亦漸逃亡于是有民間俵養之制牧地猶多荒廢本朝龍興民不牧馬地隸州縣者照例輸糧仍其名爲牧馬地云

更名地

明各省册建藩封置有王莊畿輔皇莊官莊以及勳戚賜田等項至本朝近畿地土分圈八旗其畿南與屬他省者俱招民佃種自康熙八年間易爲更名地另條列入全書糧照全書徵收

學租

所謂學租及先賢祠堂書院等地皆官紳捐俸費所購或
 學宮祠院之間壤可墾為田地者乃名民佃種而歲取其
 入以供祭祀及貧生就業學徒為之膳餼其地屬學官租
 多入儒學未盡徵之有司然往往為人侵占且逋租不納
 者非有司力為清理未能啟覈而升輸也其查之法惟各
 考志書歷稽碑券按原界而求之則尺寸無容匿矣

私鹽變價

凡州縣捕獲私鹽或有無人驢例即申報本府鹽廳及運

司鹽院人鹽并獲若無持械止以販私治罪若獲鹽亦止
 以私鹽報其鹽發地方具領照官鹽變價年終彙齊起數
 造冊具批解赴鹽院衙門掣批存卷○所獲鹽觔驢頭內
 外俱登號某月日巡鹽捕役某人于某處拿獲私鹽一起
 人犯脫逃獲得某色鹽若干觔馱鹽驢若干頭註明毛色
 口齒其稱鹽時須除去包袋溷濕免累買人包賠其鹽驢
 俱要當堂取領付給否則該房巡役等以贏易壯無人承
 買又累領人包賠也

贓罰

刑部全書

雜課部

百

賊罰有上司批審追賊擬罰者有本州縣申詳追賊擬罰者總屬徒杖以下贓物寄庫罰贖追完按各衙門批解掣批附卷○自理所罰不過穀石存以備賑照律所限不可過多每年上司查取贖銀起數開報達部無則以一二雀角小事俱經逐釋並無罰有贖穀回覆有則所開止一二二件穀亦三石為率若太多反有未便

積穀

積穀所以備荒此司收要政之一端或州縣捐俸若干為紳衿富民倡或秋成時奉文發簿令里甲等各戶勸輸然

胥吏其中保無收多報少之弊宜置簿印發登填填完查明詳報但今奉有按畝捐輸之例積貯愈多歛散出易之際尤宜留心詳見後荒政部積貯條

雜徵餘論

正項錢糧皆係解支定額額有缺則累民包賠徵比無法則滋民擾害解給不清則上下考成所係故數者不得不嚴為稽覈而防範之蓋非苛刻居心買怨于奸胥猾棍也若夫襍課除有額徵未敢少寬絲粟至于儘收儘解原無定額是聖君賢輔早已留有餘不盡于民而有司亦無

此當刪去

乃當作即

所累干考成矣。若以為此羨餘所在，吾之不察，將飽奸胥。嗚呼！是未審其情與道也。雜課之于田房當稅，乃有力之交易。吾雖櫛比而稽，尚無損于心肉。至如牛驢等項，小民日用之需，若翼微蹄，算買販將，裹足不前。民用因之日縮，而價騰牙行身帖，市僧養生之具，彼終歲早夜奔馳，不憚嚴霜烈日，而僅獲此蠅頭，以活父母妻子，尤必按筋剔髓，而誅索無遺。是官與胥爭，搏蝕于小民矣。揆之情道，兩有未安。為有司計，毫末之徵，惟釐太甚，不必過求。尤宜出示曉諭，城鄉市集，牙行經紀，除經本縣投認領帖外，其餘念

係窮民，未忍苛察。如該胥私行嚇詐，毋得槩與分文，以辜本縣德意。其客商凡有貿易，須眼同該牙將買賣某物，稅銀若干，登填印簿，如不眼同登簿，徑私自收者，一槩不准。擅給以資中飽，違者並究如此。該胥不敢暗索，牙行知感。牙行不敢私侵，商販來者自多。是又司牧留有餘不盡于窮民者，天將貽有餘不盡之報于子孫，則所得寧止釘頭之屑屑哉。

之數定而差亦于是定焉亦無畸輕畸重之虞法未嘗不善也然而今之民非如古井田之制計口授畝子孫相守以為世業十年之內貧富無常鬻產時有若任便交易則彼圖售入此圖阡畝仍屬參差若質不出圖則貧產遽難求脫勢豪益復刁難此均田之所以未易言也惟專均役而不均田宜永行之而民大有賴焉然役之均亦有二一有田而有丁謂之糧差一光丁而無糧謂之办役蓋田多則糧多糧多則差多所謂差照糧行者是也乃奸豪巨猾欲減多糧而就少避重差而就輕于是依立戶名詭寄別

有富刪去

里而總書册房或受人賄囑或將已田糧飛灑各戶移換斗則脫漏頃畝冒裁田地種種弊端莫可窮詰夫留心斯政者若不先除斯弊雖日求均而終無可均之日也况于審丁之際戶長之開報不實有司之陞撥無憑其弊又不
可彈述者乎雖然欲除匿糧之弊惟在推收之逼清欲除匿丁之弊惟在減增之悉當而已大約南方糧重重在審役北方糧輕重在審丁以役繫于丁而不繫于糧也是在司牧者有以權衡而變通之耳
花立戶名謂產本一人管別里謂產本坐落一里廼于數里立戶以上二弊皆減多為少避重就輕也飛灑各戶謂將丁產應辦銀糧分派他

人銀糧之內使彼代納移換斗則斗謂按田科糧米之數以田地山塘定糧米多寡則兼丁言南土之丁分鄉市北土之丁分三門九則三門者上中下也九則者上中上下上中中中中下中上下下下下三門互錯而成九也派銀之法或以率分法遠減而派或止以上則派十分之五中則派十分之三下則僅派十分之二者如上則以五分分三則而又別三等多寡之數者或以下下為準各則加一分彙至上上為九分者各處立法不同移換者移甲之重換乙之輕但利甲損乙課額原是不缺或將重則換輕並不移易暗損課額累里包暗脫漏項畝謂將產業竟不入册隱地漏糧者冒裁田地謂將已產暗造他人名下害彼代納者

○按南上糧重照產派役不重丁銀故田地雖多立一戶即是一丁丁銀多寡不遠北土糧輕照丁派差丁銀大有輕重故屆期審丁不可不慎除新成之丁例令戶長舉報

入册逃亡老絕許里遞公舉以定開除若陞擦之際增下上中日陞減上惟視產業之增減為至公陞產增則家起應則為中下日擦應宜將前屆合里丁糧通盤一算約糧銀若干該有丁銀若干較量配則貧富悉均而不偏累窮苦矣○按北地糧輕丁重每有差徭俱照丁派故每丁有派至一二兩者若窮苦之人將何所取辦乎此照糧陞擦所以為至當也然紳衿之豪以包攬成風恬不為怪貧窮親友及鄉間稍裕者其田地攬歸戶下每年錢糧包為代納百姓火耗有加三加二加一不等其包納火耗亦不為減及紳衿完糧藉

口自封投櫃竟有銀色不足銀數短少者縣官若一查究
 追補輒持官短長列款控告拖累衙役所以紳衿公然包
 攬大獲其利而百姓亦樂于紳衿包攬者其本戶之丁即
 係紳衿供丁鄉紳供丁多至數十名青衿亦有十數丁者
 每有差徭里遞不敢派及每遇編審供丁名下即有應增
 新丁戶長總書亦不敢開報若竟依糧陞擦則紳衿所包
 攬之田地勢必增丁則所增者非紳衿之丁而即包攬之
 丁是又為紳衿增包攬之丁也乃百姓見按糧增丁益懼
 丁多為累爭附紳衿者愈眾恐光丁無糧者亦求附供丁

以逃差如是窮民常處其苦累而紳衿常處其樂利矣且
 里胥知以糧多寡為陞擦又安保其不分灑他戶以多易
 寡避陞而與擦乎此又照糧陞擦亦未能盡無弊也然則
 北地之下終不可均乎夫求均無他異術亦止丁糧並覈
 與酌除供丁而已夫有丁無糧者照丁據實增除有丁有
 糧者又照糧據實陞擦先嚴飭里書不許私為增減慎選
 戶長不許捏虛開報其為丁為糧劃然可考至於供丁之
 說乃陋弊成習朝廷除免本身丁徭外非有別所謂供丁
 也若一槩盡除定生怨謗于舊例之中稍為減汰所謂為

乃當作則

法去其太甚則富貴貧賤不致苦樂失均如斯而已然其
 立法必于無弊法立在于必行又須素履清操居恒政尚
 仁恕優以待紳士而嚴以馭里胥凡為地方區畫一皆出
 于至公至明秉于至誠至信而我無所執意其間焉於是
 紳衿不以刻己為怨胥役不敢作弊雁愆百姓亦不忍倖
 法而見欺以之為政將無往不可豈又患區區之編役為
 不可均哉

以之之當
 作此

嚴飭里胥

每遇編審屆期糧房里書是其一場大生意預先勾通戶

カ當作弊
 弊當刪去

長受賄分肥田糧則以多作少人丁則賣富裁貧如前種
 種弊端牢不可破宜于編審將屆先傳集各圖里書及胥
 役等當堂嚴為申飭務須力除錮弊槩與更新以共副本
 縣均差恤累至意倘陽奉陰違仍前作弊查出立時處死
 決不姑貸仍取甘罪結狀存案若臨事查出其奸即重責
 大枷示衆審完按律追贓治罪庶奸猾里胥知儆

慎選戶長

從來報丁戶長多係積年奸通土棍鑽充希圖取利受富
 豪之賄則應增不增累貧窮之戶應減不減甚至光丁名

編審部

下暗灑他人之糧審後仍行收去孤寒幼子增為已成之
 丁反致開除有力法宜申飭里胥之後即傳各圖里長以
 十甲長為戶長如甲長中不符公論者另舉殷實老成補
 之嚴行切諭令其按甲逐戶據實開報如有田糧以多作
 少人丁賣富裁貧者定行處死不饒仍取甘結存案若查
 出奸弊悉照里胥懲治庶前者懼愆後來自不敢再蹈矣

查原册

今次編審先取前届印册勘閱管收除在四柱其上届實
 在田土戶丁若干果否與上届全書額載相符以便查本

届所造審册之舊管是否相對如有舛錯必嚴行駁究然
 舊管不符駁究是矣倘上届編審係前官經手其奸胥猾
 戶移詭田糧偏累戶丁又安所窮詰乎于是從前所作之
 弊不得不一為清剔矣

設誓

明有王法幽有鬼神我心不能共見託平神以白之我志
 不能自定質乎神以堅之以及里胥諸人奸詭百出縱三
 尺之可逃語以神明豈寸衷之無畏當事干將審之先
 敬製誓文齋戒沐浴率諸里胥戶長等虔詣城隍神案

前宣讀誓詞須並列里胥戶長姓名考鐘擊鼓再拜焚之俾懷奸者有所警惕而不敢恣意作弊抑亦神道設教之一端也

首改前弊

夫編審作弊天下皆然倘官欠精明全為播弄窮戶吞聲無冤可愬即或精明此輩鬼神莫測亦僅剔其四三若以套視之其于司牧又何賴乎宜于將審之先通傳前屆經手圖里糧書嚴行面諭并大張榜示所有前屆飛灑詭寄及妄增子糧併訪本地積習錮陋諸弊逐款開列許三日

內開單自首免其前罪俟本縣批准發房各為改正如仍隱匿不報或從前被害及諸色人等出首審實首人重賞本犯立行嚴處仍取甘結存案○其前屆自報改正者另立自報冊一樣二本一存房一存宅以便查考

定推收

夫田有買賣始有推收蓋由賣者推出與買者收管也故有此戶推而彼戶收者有此圖甲推而彼圖甲收者有從前買賣未遇編審今始推收者然必以買契投驗印稅為憑有買賣已經稅契而戶仍賣主錢糧係賣主名下代納

者亦必以印契投驗推收若未經買賣無故推收即為作
 弊如前屆一甲人戶役過已隔九年下屆應輪復役乘間
 收之際寫立假契跳入十甲則又避役九年者又有本
 甲老荒歷受賠累飛入他里甲者又有將行犁熟地移入
 老荒名下使荒致日多賠累愈重者又有本處田糧假冒
 寄莊人戶希避重差者此皆或雖經買賣有此推而彼未
 無買賣而借推收以作奸也或雖經買賣有此推而彼未
 收者田畝隱漏錢糧竟屬虛懸有彼收而此未推者一地
 兩糧必自享無糧之田暗累伊人重納有此推多而彼收
 少者業主買囑將糧飛向他人有一戶推而數戶收者里
 書受賄明係花分躲重凡如此類將兩處推收互對不合
 立行嚴究不得輕縱長奸至于推收之法須將此屆推收

以之之當
作此

業戶具呈并契送驗本官批准發房給一印票付業主務
 同兩處里書并册房眼同此推彼收將姓名田地數目對
 明登册上鈐里書推收圖記并册書業戶花押將所給印
 票交付册書俟各圖推收完日并推收册繳署查對其本
 屆推收另立一推收小册送署備查如並無買賣擅自推
 收或寫假契冒立推收者查出以作弊重究以假契之田
 入官如此前屆之弊既行改正本屆之弊又盡剔除而田
 糧丁口之推收有不清者乎推收既清即以之照糧派丁
 而丁有不均者乎至于照下派丁又在開報之方漸其錮

福惠全書

編審部

陋矣

開報册单

册者里書所造本屆編審之册也单者戶長開報本屆編
 審之单也本無二式但造册单須分各里里分各甲甲分
 各戶卽以一戶言之先查上届丁糧實在若干實徵銀米
 若干其丁糧科則是否與銀米數合若有舛錯稟究改正
 務與本戶原額相符此徹底清查之法也實在丁糧實徵
 銀米既清則册单本戶先將實在丁糧銀米開造使與本
 届新收丁糧銀米查對方知起長若干使與本屆推除丁

糧銀米查對方知消乏若干以便編審時據之以爲陞
 也故册单既開實在丁糧實徵銀米又必接開新收田地
 若干應增徵銀米若干其新收田地科則卽推出田地之
 科則也新增銀米卽推出田地原徵之銀米也或上或中
 或下但照原田地科則銀米開造不得改輕換重混亂科
 則以致原額不清如所收田地丁糧原有不清之處查出
 嚴究里書業主務須改正此開造編審新舊丁糧之大要
 也至于本戶人丁照糧原派實在丁若干實徵下銀若干
 今新收田地若干應增丁若干實應徵丁銀若干其增丁

之法總計闔縣地丁銀若干內丁銀若干計地銀若干應
 派丁銀若干今所增丁銀大約以上中下分為九則如糧
 銀一萬兩該丁銀三千三百兩是每糧一石約銀一兩一
 錢有奇則計糧九斗應派丁一則徵銀三錢三分有零九
 斗以上照糧遞加其增糧者既陞則減糧者應擦但陞宜
 取多擦宜取少恐有缺額若擦多則後難增補陞以九斗
 為準擦以一石一斗為準如所減之糧不及一石一斗不
 在擦則其光丁力役俱照下下則每丁止徵銀二錢四分
 夫陞擦之說大槩如此陞擦之數既定則冊單于新收新

推田糧銀米之後按九斗遞加之則應陞若干應增丁
 銀若干按一石一斗遞減之則應擦丁若干應減丁銀若
 干俱可預為派造其逃亡老絕有無田地俱按戶照式開
 造俱俟本官臨審再為酌定此又開造編審陞擦丁則以
 派應增應減之大要也一戶如此戶戶如此一甲如此甲
 甲如此一里如此里里如此每甲造完之後首頁要一里
 總合十戶以定甲合十甲以定里合十里以定圖合各圖
 以定一縣之田地丁糧以一縣之田地丁糧合本屆新收
 新推丁糧之數照原額加丁若干增丁銀若干務期有增

無減方合編審之例其冊單照式開造一縣田地丁糧之原額以及除減新增瞭如指掌執此以為審定無難矣○冊單各甲造完須送宅先查冊單是否相合并以上逐款磨對無差然後發出候審如有一款不合即傳問錯則准改弊則重究

立局親審

編審冊單磨對既清須十日前大張告示預示審期其期又須視州縣衝僻里分多寡以為遲速其審局或城隍廟或公館務須寬大及局前廣潤之地免致逼窄擁擠審期

須分四鄉一日幾里預先酌定曉示俾各里按期而至免其住城守候及老病鰥寡久留之苦審某鄉某甲其新舊里書冊房俱執新舊冊單伺候查勘臨審前三日出示局前其本縣編審茶飯俱係自備並不用里下一文其於應陞應擦俱係本縣照糧準則詳加酌定並不假手他人恐有奸胥猾棍私行科歛許諸色人等首告嚴拿重究以杜絕騙端所有生員非係本身之事不得代人呈稟亦宜懸示通知其審局務宜肅清不許閒雜擁立階下喧嚷把門皂隸嚴行驅逐如審某里某甲本甲戶長先投戶單

逐戶喚問其名下田地丁糧是否與戶單相符看其人
 係鄉愚乍見官府有不能答對者如係棍狀恐是頂冒應
 點查出定同戶長重責又有奸詐之徒于喚審時或破衣
 輪流穿換粧扮窮人或利口能言騁其巧辯希圖擦免者
 均應重責其新報成丁不因糧起是為力役止編下下或
 有纜報新丁即收糧名下者乃是冊上糧多之人恐要陞
 則故行詭寄查出照詭寄重責治罪雖係父子亦不准行
 恐混亂成規奸猾因而作弊其新丁例係十六歲方許開
 報如幼小不成丁及女子俱不准行凡有此等必係將成

丁隱漏以幼小子女搪塞務須喚問里書里長等嚴詰戶
 長如有賄漏自家說出免罪如係里長等報出將戶長重
 責枷示仍行追賊與受一並治罪如俱不供報取里書等
 連名甘罪結狀存案如有發覺併行究處其絕丁無田糧
 者應與開除逃亡之丁係何年逃去何年亡故有無田糧
 子弟若有成丁子弟即應承糧報丁將逃亡之丁豁除如
 無成丁子弟止有田糧田係何人承種即應頂認逃亡之
 丁其老丁年逾六十子報成丁應與開除若無成丁且有
 多糧狀未衰憊似未可輕除恐六十輒除新丁開報者少

缺額則未便也。其逃絕之中，丁尚掛籍地，又久荒糧係里
 甲包賠。此等荒地應着地少有丁之人領去開墾，糧併各
 下丁與豁除。若真正老荒無人領墾，年年里甲包賠，應改
 地差概編下下，以少恤賠累。若荒地零星，向俱編丁者，准
 令歸併一丁名下，或承墾或公攤，更省多丁之累。若別縣
 民來此佃種，名曰寄莊，例不編丁。以彼縣原有丁差也。止
 納差銀如每糧九斗約丁銀三錢三分九斗已上，該丁下
 中丁銀便是六錢六分有零矣。若納地差止銀二錢四分
 故假冒寄莊為多，審時遇有地差指稱寄莊者，必嚴審何

縣人民何年買賣承糧，有無印契推收查出捏冒，定行按
 糧編則仍將開報并責其寄莊戶有丁者，必五年之內買
 產連丁俱過。今既編審銀數無多者，丁與開除各里審畢
 恐有新丁未報，應除未除着里書戶長等并鄉約地方俱
 具並無受賄隱漏及偏累孤貧等弊。如日後發覺甘罪結
 狀存案。其投審戶單除實在田地銀米外，如新收田地
 銀米與所定丁則相符，印用硃筆將陞過銀米丁則連點
 而下，新推擦減之數亦硃筆如前連點。其新丁與逃亡老
 絕之丁俱用硃筆于逐名下親書增除，仍查新丁若干除

免若干書總數于單後判日將本日審過戶單若干張封
 押隨帶內衙登記審時遇有孤窮殘疾之人不在除例者
 另暗記之審畢通盤打算如增丁數多亦准與除豁出示
 曉諭并示本鄉

審後出示

編審既定除原額不動外所有本屆陞擦增除丁糧按里
 逐戶明白開列出示曉諭通知其中陞擦不合開報不公
 里胥作弊受賄等情許出示三日之內指名據實呈控本
 縣准與審理定奪如並無枉累妄行瀆擾定行重責枷示

不貸

攢造審冊

攢造審冊即將逐日審過各里甲紅單照造冊稿分立舊
 管新收開除實在四柱即如一戶某人一人丁一丁舊管田
 地若干銀米若干新收田糧若干銀米若干照糧應陞丁
 銀若干無開除即于開除下註無今舊管新收二項實應
 徵丁銀若干如係擦減之戶即照擦減仍照四柱填造如
 紳衿丁係優免除下註優免其糧丁一例按派其紳衿供
 丁酌量情免若干糧丁亦一例照派各甲首繫一本里總

數各里首繫一本圖總數各圖首繫一合縣總數俱照四
 柱開造冊書等磨對與紅单相合送內衙磨對無差取具
 總里書冊房等廿結存案方發房攢造一樣若干本除申
 送該衙門外一本存房一本存署備查

編審餘論

編審定例五年一屆蓋五年中田土不無別售人丁不無
 消長所以編次而審定之要使糧無偏累丁有均齊也然
 而力役之征專在人丁猶復計糧派差者有丁者皆庶民
 而多貧苦有產者皆巨族而多富足若棄糧而止論丁是

竭窮甿之脂髓不足供公家之徭役而擁連陌之膏腴反
 得享安坐之樂佚矣故嵩計丁不若兼計糧之為至當至
 公也每見北方紳衿止完任土之正賦餘無所問惟百姓
 獨肩力差終年畢世罔有休息况猾里奸胥復多科索其
 苦有不可勝言者若照南方按糧派差誠百姓無疆之休
 而紳衿勢豪則未有不恣謗與譁者夫公事之差非所常
 有一切縣官承應以及胥役指公科斂需索嚴行禁絕官
 惟飲水吏知守法百姓且自安于無事矣又何紳衿勢豪
 之是慮乎然丁差之奉行已久一旦更張勢有極難亦惟

存其議耳。夫人丁視原額若干，不宜妄增。往往奸胥簞誘，本官威嚇戶長濫報，及至計算原額，溢至數千百名。非本官貪利而私鬻，即里胥受賄而乞恩。穢跡彰聞，官箴玷。即徑以報上，每審人丁有增無減。若增輒千計，百姓世受籍丁之累，而千數之丁每屆疊增。又安有窮極哉！故朝廷以愛民為本，君子以仁民為心。若必竭澤而漁，不遺餘惠，恐非上體。聖仁下失，古處之本懷也。是又弗忝芻蕘以請正有道。

夫北地糧輕，丁重以納丁而外，一切公差雜派皆出于丁。

此丁之所云累也。南土糧重，丁輕以納正賦而外，一切公差雜派皆出于糧。此糧之所云累也。然以丁糧之正理論之，糧照產輸，丁照人納，誠為不易之經。若國有小役計，丁派夫有大役，丁糧均派，則丁與糧無畸輕畸重之弊。又何累之足云！獨是產既輸糧，又于糧上派丁，田不生男，育女又安有丁口乎？此其為有產者之獨累矣。若無論北方南土，其照糧派丁一槩蠲豁，則溥天戴德，寧有涯哉！然定例已久，未有敢議及者。其在聖明離照，沛然下千古之恩澤乎？明季吳江令霍惟華以邑徭役苦樂不均，遂親自

履畝逐里清查編造魚鱗圖冊升合無容隱漏通計闔邑
 田糧按里均派而徭役亦照糧均攤故富無逃匿而貧亦
 無偏累至今賴之若天下糧差俱照此行可謂至善然安
 得有如霍公者不憚勞怨而使百姓永享其利哉鴻不厭
 瑣縷並識于此以俟高明採擇

福惠全書卷之九 終

福惠全書卷之十

清丈部

總論

夫州縣田地之原額有缺致累包賠而為清丈者田地久
 屬荒蕪錢糧除豁後為民人墾種成熟未經承糧而為清
 丈者又或臨山瀕水漲蕩淤灘不無開墾耕種隱漏稅糧
 而為清丈者為缺額包賠而清丈是欲復額以甦民累也
 為久荒復熟而清丈是欲認新糧以足舊賦也若夫為民
 私耕間土以行清丈非欲為增田裕課之舉乎然既云清

丈不獨隱占者固丈即無隱占者亦丈也夫無隱占而亦
 丈是一丈而闔邑為之騷動矣且丈則官為履畝于是業
 戶有差催守候之擾里胥有科歛酒食之費弓正有囑託
 賄庇之需而又跟隨多役辦事諸人東西馳騫以致農業
 廢弛稼殖蹂踐甚非所以恤民省事之意也故欲行官丈
 不若令其自丈既令自丈不若勸其速為自首欲令自首
 不若制為不敢不首之法法善而首自爭先其後不過畧
 為抽丈已耳如是而缺足賦全漏顯課裕又何阡稽畝勘
 之紛紛為哉


立丈册

夫有司慮其擾民不忍徑行清丈勸令自首彼種戶以首
 地則增糧莫若可隱而姑隱之之為得也今則立一丈册
 之法刊刻成式令業戶自丈照式填寫而先出示以利害
 曉諭之如有不用印册不照式填寫立行拿究丈出隱漏
 不速自首本官履畝勘出除按律科罪外仍追歷年籽粒
 錢糧彼見册式難瞞于前而履畝究追于後雖欲不自首
 也得乎其册每甲一本每業戶一張每張四格可填田地
 四段田地多者接頂填去每業戶各丈各填雖父子兄弟

不得分名共戶。濶亂坵段其田糧有上中下則之不等。有河淤山地之互異。故徵錢糧亦有多寡之不同。奸猾之民或從前買賣串賄里書。有買上過中買中過下。以平原沃壤指為沙石。磽瘠完糧者不惟重賦。從輕而課額亦因之有缺矣。今冊中四至填明。四至某人係某糧。則四至除荒山大河深溝高阜。許照實填寫。若係私行小路放水溝。塗之外尚有墾種之山之地。之田係何糧。則無論本圖隔里供要逐一填明。不得以山道溝河等字樣。朦混填寫其丈。量照例計若干尺。為一步。計若干弓。積若干步。為一畝。於

是以四至之糧。則較本田之糧。則有無虧額。自明矣。以現丈之畝數。料原田之畝數。有無隱漏。自露矣。式附。

丈冊式 一 戶丈完釘入白紙 頁結出原今大總



清丈圖冊

福惠全書

清丈部

三

定歩弓

丈田地以歩弓爲準其弓悉用憲頒舊式每村鄉地照式各備數張呈縣驗明印烙方許應用如有擅用大弓私增分厘者查出重究一步或各處尺數不同悉照原頒久用者爲定

責經手

刊册既定須先出示曉諭里社長鄉地業戶人等限於某日爲始某日爲止里社等率同業戶逐畝逐段詳細丈量遇平曠大段照式填明四至糧則如遇小坵零畝要畫地形似指爲某名如所謂魚鱗册者隨丈隨填先登草册照填真册送縣不得潦草洗補改換四至糧則希圖掩飾丈地弓步不真責之弓手填寫四至糧則不真責之鄉地里長計算地畝科則不明責之圖總里書囑託賄免增弓改則責之業戶定俱從重完擬丈册每戶後俱要寫弓手鄉

地圖里等姓名以憑抽丈丈完繳册之時鄉地人等仍具並無扶同隱漏如虛甘罪結狀附卷存案恐奸民改易以合本文田則間抽田多者查鄰田戶當日推收册與今丈册對是否相同便見

勸自首

州縣勸令自首者蓋為愛惜百姓不忍以欺隱治罪也若必待官親丈出而按之本律本身治罪田土入官不已晚乎宜先出示通諭四鄉若自丈果無分厘多出即照册式登填以憑親掣若丈原額之外果有多餘即行自首止照數起科免其欺隱之罪其自首以某日為始某日為止如

過期不首方行親掣

具結狀

業主自丈填册之後恐册係圖里等填造鄉愚漫不經心日後且得藉口合行自具結狀投遞結後連書鄉地里社等姓名並業主花押粘卷存案非好為煩瑣也上關國課下為民業亦寧過于詳慎耳

具結狀業戶某人係本縣某都某里某甲人

為某事切某向有祖遺續置田地山塘共若干畝計若干段在于本里本甲長某人完糧當差悉照後開坵段科則

查算並無隱漏田地移換糧則致干新例今奉查丈合先具結報如有隱地漏糧依例甘罪所結是實

計開

第一段 某項地若干坐落某里某處某字第幾號

係何科則 東至某人某則田 西至某人某則田 南至某人某則地 北至某人某則地

第二段 照前式開完

年 月 日具結狀業戶某人押

弓手某人 里書某人

鄉長某人 地方某人

禁需擾

清丈之事只須大張告示並傳喚鄉地里書等率同業戶先行自丈不必更差衙役至於鄉地等不得指稱名色科歛銀錢招搖賄賂俱宜出示曉諭嚴加禁飭其册式本官捐資刊板安置公所聽民自行印刷不許需索分文

清丈餘論

夫清丈之役非奉部文則蒙憲檄即本縣缺額累民亦須詳請批允而後行非此未便擅舉蓋事關合邑而亦非紳衿豪棍之所樂聞也然雖奉上亦須視其緩急如康熙

十五年籌餉期于有濟一案是時軍需浩繁定例隱漏一畝以上即擬徒流查出官員不次紀擢功令嚴切不得不極加勸諭履畝丈量以仰副軍國然良有司惟慮勞民騷衆先行自首之法而後繼之掣丈乃倖進之徒遂有按畝勒加指荒捏報甚至以大畝改爲小畝錢糧倍增者其後萬民沸騰各憲呼控事雖未必盡行然而利百姓之脂膏邀一人之金紫良心安在况錢糧爲永遠之累功名乃頃刻之榮又豈讀書明理者之所忍乎若夫部檄通行事勢稍緩姑觀隣屬應否量增以結其局可也每見各省老

乃當作即

荒乃勝國末年災傷廢棄興朝初定兵燹拋荒荷聖天子數十年之生聚休養草萊稍有開闢是皆揭借工本婦子力作希獲升斗以贍朝夕爲有司者承望風旨表顯才能指爲以熟作荒隱漏稅糧力請清丈于是嚴立規繩縮減弓步以小民現在承糧之田地乃一槩按畝而徑報增之矇其上則曰此老額之荒既歸成熟可以免斯民之賠累矜其功則曰此隱漏之糧一例起科可以裕公家之賦役在上者亦不過曰復其舊額耳何傷且以增其餉也實嘉乃績殊不知版圖肇入原輸現在之租何有老荒

之見累瘡痍初復卽沾額外之利無非聖主之深仁况
 以兵戈乍息之餘生水旱頻仍之儉歲于現徵之數再益
 新科縱籽粒出之田中而白鏹從何措辦是上農之所入
 不足充二稅之需吾恐天時人事稍有乖違剗肉補瘡之
 民未有不棄耰而逃揭竿而起者矣嗟嗟典言及此在事
 地方尤當爲國家圖久遠寧獨爲民父母區區蒼赤之
 是卹哉更有窮民于河瀕谷畔薄墾少收如前所云者猶
 棍挾詐不遂輒爲首告遽報隱糧治罪則恢恢海宇竟無
 貧困謀生之地矣鴻待罪鄰東時有以私墾私煎挖礦開

治首告者鴻惡其造誣多事置而不問何也爲百姓存一
 分利源爲國家培一分元氣亦爲自己延一分福澤也

福惠全書卷之十 終

